



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

1. Dagoberti Regis Decretum Datum Moguntiæ, Anno XII. Regni eius.

urn:nbn:de:hbz:466:1-14268



I.

*Dagoberti Regis Decretum datum Moguntiae, Anno
XII. Regni eius.*

D nomine Patris, & Filij, & Spiritus Sancti. Omnis Christianorum nouerit industria, qualiter ego Dagobertus Rex potentissimus, Conuenienti consilio Episcoporum meorum, Comitumque legatos de mea parte ad Abbatem Memilium direxi: mandans, & ut diligenter inquireret, mihi per se ipsum indicaret, quibus authoribus illud Monasterium Sancti Maximini constructum, vel cuius Imperio à pristinis temporibus esset subiectum. Hanc legationem Abbas cum fratribus sollicitè percipiens, perlectisque in eodem loco quibusdam vetustissimis cartulis, inuentum est ipsum Monasterium Constantini Imperatoris fuisse regale templum, atque iussu eius dedicatum fore in honore Sancti Ioannis Evangelistæ à Sancto Agrio Venerabili Archiepiscopo: In quo videlicet templo, ut idem Pater Monasterij nostræ Regalitati certa relatione patefecit, Helenam sacrâ famulâ petente & fauente, supradictus Imperator pauperes Christi congregauit, eisque virum Dei Ioannem praeposuit, ut in seruizio Dei semper vacarent, & pro se orationibus insisterent, & insuper illius loci habitationem aliæ personæ noluit subdere, nisi suæ, successorumque Imperatorum potestati. His rebus ita esse firmiter intellectis, regio more constituo, atque firmissimâ iussione præcipio, ut nullus unquam proterue illud Monasterium, in quo Abbas supradictus praesesse videtur, audeat inire, vel villam inhumanitatem illi violenter inferre. Igitur ut assiduè recordatio mei, meorumque Parentum maneret in prædicto Monasterio, ipsorum Sancti Maximini præbendariorum vietualia sub præmemorato Imperatore constituta, additis meâ ex parte prædijs augere curaui, quorum nomina hæ sunt: Kannis, Cressiacum, Luncwich, Regiodola Vallis, Polich, Budeliacum, Taleuant, Loauia. Hæc loca ad Regiam curtem, quæ dicitur Decima, pertinent. Quam curtem cum omnibus rebus ad eam pertinentibus, hoc est, quicquid prædij visus sum habere à fluvio, qui nuncupatur Rubera usque ad sylvam, quæ dicitur Ieder: Sancto Maximino Præfuli in perpetuam hæreditatem contradidi: Insuper etiam cum Consilio & rogatu meorum Principum cateruis inibi Deo deservientibus, hanc legem firmiter ac perpetualliter in posterum habendam decreui, scilicet, ut centenorum ibidem summa Monachorum semper integra maneat & inconulsa, excepto, si Imperatorum Principum per saecula succendentium benevolentia prædijs augmentetur, vel thesauris: Et si propter Paganorum vel infidelium Christianorum deuastationem eisdem Christi seruitoribus penuria ultra modum ingruerit, & per thesauri effusionem expelli nequierit, Dei omnipotentis & mei, meorumque Successorum habeant licentiam alodium cum fa-

milia à fidelibus illo contraditum dandi & vendendi, antequam D e i destruantur seruitia, & vt istius cartulæ confirmatio firma in ænum permaneat, describi eam præcepi, & nostro sigillo eam inde firmaui. Datum pridie Nonas Aprilis, Anno regni nostri XII. Moguntia feliciter. Amen.

Signum
cellarius ad
cognoui.



Dagoberti Regis. Henricus Can-
vicem Ricolfi Archicapilani re-



2.

*Gregorij II. Pontificis Max. Bulla Data In-
dictione XII.*

Gregorius Episcopus seruus seruorum Dei, Basino Abbatii Venerabili Monasterij Sancti Ioannis Apostoli & Euangelistæ, atque Santissimi Confessoris Christi Maximini, cuius corpus ibidem quiescit, tibi, tuisque Successoribus salutem & Apostolicam benedictionem. Si semper sunt concedenda, quæ piis desideriis congruunt, tanto propensius ea, quæ pro diuini cultus religione postulantur, alacri deuotione, & omni occasione remota, benevolâ intentione continuò sunt largienda. Petisti igitur nos, ut Monasterio tuo, quod in suburbio Treuirorum in honorem Sancti Ioannis Euangelistæ constructum esse dinoſcitur, ubi prænominatus Christi Confessor quiescit, ob confirmandum Fratribus ibidem Deo seruientibus monasticæ tran-

quilli-